



АКАФИСТ

Пресвятой Богородице
в честь иконы Ее
«Боголюбская»



Тропарь, глас 1.

Боголюбивая Царнице, Неискусомужная Дѣво
Богородице Маріе, моли за ны Тебѣ возлюбившаго
и рождшагося от Тебѣ Сына Твоего, Христа Бога
нашего, подати нам оставление прегрешений, мірови
мир, земли плодов изобилие, пастырем святыню и
всему человеческому роду спасение. Грады наша
и страны Россійския от нахождения иноплемѣнных
заступи и от междоусобных брани сохрани. О Мати
Боголюбивая Дѣво! О Царнице Всепетая! Ризою
Своею покрый нас от всякаго зла, от видимых и
невидимых враг защити и спаси души наша.

Кондак, глас 3.

Дѣва днесь предстоит Сыну, руже Своей к Немѹ
простирающе, святый князь Андрей радуется, и с
ним Россійская страна торжествует, нас бо ради
молит Богородица Превѣчнаго Бога.



АКАФИСТ

Пресвятей Богородице
в честь иконы Ея «Боголюбская»

Кондак 1.

Взбранной Воеводе, Боголюбивей Царнице, превысшей всякаго создания, Деве и Матери Христа Бога, похвальная восписуем Ти раби Твои, Богородице! Ты же, яко Боголюбивая и Всемилостивая Мати, благоизволившая явити пресветлый Свой лик благоверному нашему князю Андрею, от бед и скорбей сохрани ны и храм сей, да зовем Ти:

**Радуйся, Боголюбивая Царнице Богородице,
Надеждо и Прибежище наше.**

Икос 1.

Ангелов превысшую вся Небесныя Силы величают Тя, Богородицу Царницу, мы же грешнии на земли, чудному Божию о Тебе смотрению дивящися, всею душею, сердцем и устнами дерзаем глаголати:

Радуйся, Благословенная в женах Деве
Благодатная; радуйся, Всевышнего Мати, Духа
Святого пребывание.



Рáдуйся, Царіце Небесé и землі и всех Небéсных Сил в́ысшая; рáдуйся, А́нгелы чтімая, от Сераф́им воспева́емая.

Рáдуйся, благословля́емая на Небесі́ и сла́вимая на землі́; рáдуйся, воістину Присноблаже́нная и Пренепоро́чная.

Рáдуйся, Боголюбі́вая Царіце Богоро́дице, Наде́ждо и Прибе́жище на́ше.

Кондак 2.

Ві́дящи Премилосéрдная Ма́терь Бо́жия земно́е ско́рбное жити́е на́ше, нéмощи и болéзни, благоизволи яв́ити чу́до, избра́в сосу́д благода́ти и м́лостей Свои́х к нам, благочесті́ваго кня́зя Андре́я. Обáче и мы с рáдостию несказáнною припада́ем к Тебе́, Влады́чице, и из глубины́ душі́ благодарі́м Тя, на́шу дівну́ю Засту́пницу, воспева́юще Бо́гу: **Аллилу́иа.**

Икос 2.

Разуме́ти хотя́ чу́до, явле́нное м́лостию Твое́ю, Пресвята́я Богоро́дице, егда́ ко́ни, вéзшии святы́й о́браз, ста́ша и лю́дие к шéствию подв́игнути их не возмого́ша, благове́рный князь Андре́й нача́т со слезáми моли́тися к Тебе́, Влады́чице, да пока́жеши, Пречі́стая, во́лю святу́ю Свою́; Ты



же в видѣнии благоволила еси открыти преблагій совет Твой. Тѣмже и мы, чѹдо сие воспоминающе, преклѣньше колѣна, взываемъ сѣце:

Радуйся, прославившая мѣсто обители Твоея дѣвнымъ чудодѣйствомъ и в семъ мѣлость преизобильную намъ показавшая; радуйся, страну Владимірскую свѣтомъ Своимъ озарившая и лучи свѣта на всехъ насъ простирающая.

Радуйся, Всеблагая наша Наставнице, любѣвию насъ привлекающая; радуйся, Охранительнице наша отъ бедъ и болѣзней.

Радуйся, у Господа спасенія нашего Ходатаице, Царице наша Небесная; радуйся, за вся благодеянія Твоя благодаренію насъ научающая.

Радуйся, Боголюбивая Царице Богородице, Надѣждо и Прибѣжище наше.

Кондак 3.

Сѣла Вѣшняяго осеняетъ всехъ, с вѣрою и благоговѣніемъ притекающихъ къ Тебѣ, Пречѣстая Госпожѣ Богородице, и уповающихъ на Твою мѣлость, понѣже всякое благое прошеніе приѣмлеши тѣпле. Благовѣрный князь моляше Тя, Владычице, явити волю Твою, преисполнився трѣпета предъ таинствомъ Твоего произволѣнія. Такожде и мы къ Тебѣ,



Пречистая, прибегаем, умиленно вопиюще: Всемилостивая Покровительнице наша, научи и нас прославляти всечестное и всехвальное имя Твое и достойно воспевати Богу: **Аллилуиа.**

Икос 3.

Имеяй на пути, яко Боготечную звезду, честный образ Твой, Владычице, благоверный князь в прилежней молитве своей пред чудотворною Твоею иконою сподобися яве узрети Тя, Царицу Небесную, теплое ходатайство Твое Богу приносящую о месте явления Твоего и о всем мире. О Божия Мати, Пречистая Богородице! Со умилением припадаем к Тебе и, богатыя Твоя милости ожидающе, умильно вопием Ти:

Радуйся, Радосте наша и крепкая Заступнице; радуйся, Покрове наш и наше Утешение.

Радуйся, Охранительнице наша и наше Упование; радуйся, Отрадо наша и дивное о нас попечение.

Радуйся, Похвало наша, чудесы нас удивляющая; радуйся, Прибежище наше и залог вечнаго спасения.

Радуйся, Боголюбивая Царице Богородице, Надеждо и Прибежище наше.



Кондак 4.

Недоумеваёт ум наш, како досто́йно есть восхваліти Тя и дѣ́вное явлѣ́ние Твое́, Пресвята́я Влады́чице: я́ко со́лнце лучи́ испуща́ющи, предста́ла еси́ моля́щемуся князю́ и та́ко рекла́ еси́: «Не хо́щю, да о́браз Мой несѣ́ши в Ростóв, но во Владѣ́мире поста́ви Егó; на сем мѣ́сте во і́мя Моегó Рожде́ства цѣ́рковь воздвѣ́гни и обита́лище і́ноком соста́ви», и, воздѣ́вши Свои́ Божѣ́ственней ру́це ко Влады́чному о́бразу, скры́ся от духо́вных очѣс егó. Преклоня́ем и мы ко́лена пред Тобо́ю, Боголю́бивая Ма́ти, и Твоя́ чу́дная явлѣ́ния и велѣ́ния разумѣ́юще из глубины́ душі́ воспева́ем Бо́гу: **Аллилу́иа.**

Икос 4.

Слы́ша Господь мо́ления Твоя́, Богоизбра́нная Цари́це Небе́сная, обеща́ вѣ́ну испо́лнити, я́ко Преблагі́я Ма́тере, проше́ния Твоя́. Ты же, о Влады́чице, тогда́ рекла́ еси́ ко Го́споду усты́ Свои́ми: «Влады́ко Многомі́лостиве, Го́споди, Иису́се Христе́, Сы́не и Бо́же Мой, молю́ Тя, да пребу́дет Божѣ́ственная благода́ть на лю́дех Твои́х, и светоза́рный луч сла́вы Твоея́ да нисхо́дит всегда́ на мѣ́сто сіе́, Мнóю избра́нное». И́стинно



исповедуем, о Пречистая, яко скоро помогаеши с верою к Тебе прибегающим, и, со умилением воспевающе Тебе, зовем сие:

Радуйся, Молитвеннице наша пред Господем и Сыном Твоим; радуйся, Заступнице всего рода человеческого и Защитнице народа православнаго.

Радуйся, матернюю любовь Твою всегда нам являющая и вся благая нам дарующая; радуйся, радости нам, благодати же и славы вечная Ходатаице, дивная наша Утешительнице.

Радуйся, бытие обители и ниспослание на ню благодати предвозвестившая; радуйся, в память Твоего явления храм во славу Рождества Твоего устроить указавшая и тамо Церкви Христовой дивное украшение явившая.

Радуйся, Боголюбивая Царице Богородице, Надеждо и Прибежище наше.

Кондак 5.

Яко лучезарную звезду, в пределах Владимирских явленную, узре князь Андрей Пресветлый образ Твой, Владычице, и в явлении сем уразумев знамение велия попечения Божия о месте явления Твоего, даде ему имя «Боголюбивое».



О Царіце и Владычице! Освети и нас светом Твоим Небесным, сохраняючи нас под кровом Твоим благим, услыши всеумиленныя молитвы восхваляющих Тя и воспевающих Богу: **Аллилуиа.**

Икос 5.

Видение чудное Богоматере и святія словеса Ея приѣмля с радостным трѣпетом, благоверный князь умиленно со слезами падѣ на зѣмлю и сладостно возблагодари Всевышняго, яко сподобися узрѣти Тя, Пресвятую Богородицу. Посѣм ускори цѣрковь заложити, идеже ныне Боголюбивая обитель, именем Твоим красующися, молится за весь мир пред пречистым Твоим образом. Созерцающе в таковом сбытии знамение благодати, дерзаем воспевати сѣце:

Радуйся, Милостивая, яко устроила еси тихое пристанище ищущим спасения; радуйся, Пресветлая, яко свет подавѣеши всем хотящим жити в преподобии и тем показуеши правыя стези к Царствию Небесному.

Радуйся, теплая Ходатаице о живущих в обителях Твоих, милость Свою вину им обещававшая; радуйся, яко в трудѣх иноческих им всегда помогаеши и к трудолюбию подвижаеши.



Рáдуйся, я́ко в кѣлліях мона́шеских на моли́тву вразумля́еши и к добродѣ́тельному житію́ ре́вносно возбужда́еши; ра́дуйся, Храни́тельнице дѣ́вная оби́телей святы́х, я́ко Твоѣю́ благода́тною сі́лою о́ныя зи́ждятся и преспева́ют в благоче́стии.

Ра́дуйся, Боголюбѣ́вая Цари́це Богоро́дице, Наде́жду и Прибе́жище на́ше.

Кондак 6.

Пропове́дует вся землѣ́ Росси́йская богáтыя мѣ́лости Твоѣ́, Влады́чице, и дѣ́вное благода́тное кня́зя Андре́я вразумле́ние. Сему́ послѣ́дуя, благове́рный князь повеле́ образ написа́ти тем подо́бием, я́коже ему́ яви́ся Пречи́стая, и, обрѣ́т святу́ю ико́ну, поклоні́ся, ра́достно со слезáми благода́ря Бо́га и ско́рую на́шу Помо́щницу, взывáя: Аллилу́иа.

Икос 6.

Воссия́ благода́ть неизрече́нная от цельбоно́сныя ико́ны Твое́я, Пресвята́я и Боголюбѣ́вая Ма́ти. Слы́шим и ви́дим вели́чие чудес, от не́я бывáемое, со удивле́нием взира́ем на сию́ ико́ну, я́ко на Пресвѣ́тлое лице́ Са́мой



Пречистой Девы. О Госпоже, Царице и Владычице!
Ты вину воздвигаеши рuce Твой на моление за
нас пред Сыном Твоим, не презри и вопиющих Ти
похвальная сия:

Радуйся, во утешение нам даровавшая образ
Твой чудотворный; радуйся, новую милость и
новую благодать сим в Церкви являющая и тем
путь спасения показующая.

Радуйся, Покровительнице наша, от бед нас
спасающая и в скорбех быстрое облегчение нам
посылающая; радуйся, сострадательнейшая к
болезнем нашим, скорую помощь нам подающая.

**Радуйся, Боголюбивая Царице Богородице,
Надеждо и Прибежище наше.**

Кондак 7.

Хотя благоверный князь достойно почтити
пресвятую волю Твою, Владычице, собра
архиереи, священники и людей множество, да
ублажат Тя хвалёбно собором. О чуднаго торжества!
О премудрости судьб Твоих, Владычице!
Преславно преносится чудотворная Твоя икона
в дивный храм всечестнаго Рождества Твоего.
Чудодействием прославляется церковь Твоя,
о Госпоже Богородице, и вси предстоящие,



ра́дости и умилéния испóлнении, преклóньше колéна, целу́ют Твой пречы́стый о́браз и взыва́ют: О Ма́ти Боголюбíвая, осení всесýльною Твоéю десни́цею и нас, воспевáющих Бо́гу: **Аллилу́иа.**

Икос 7.


Дíвна дела́ Тво́я, Влады́чице! Все лю́дие, здра́вии и боля́щие, богáтии и ни́щие, все прибега́ем к Тебе́, сострадáтельнейшей Ма́тери на́шей. Не отрини нас от лица́ Твоего́, бу́ди мýлостива к нам, недостóйным рабо́м Тво́йм, во всех путéх жízни на́шея, зашчити́ и помýлуй от все́я ду́ши любóвию вопи́ющих Тебе́ тако́вая:

Ра́дуйся, ненаде́ющихся наде́яние и печáльных утешéние; ра́дуйся, о скорбя́щих попечéние и бédствующим пóмоще.

Ра́дуйся, áлчущих Корми́тельнице и ни́щих оде́яние; ра́дуйся, убо́гих Засту́пнице и боля́щих исцелéние.

Ра́дуйся, ста́рцев Покрови́тельнице и ю́ных Воспитáтельнице; ра́дуйся, вражду́ющих примирéние и обидимых Защи́тнице.

Ра́дуйся, Боголюбíвая Цари́це Богорóдице, Наде́ждо и Прибе́жище на́ше.



Кондак 8.

Дивное чúdo пренесения преслáвныя иконы Твоея, Владычице, торжественно вси чествуем и на всякое лéто в сей свётлый прázдник благодарне воспоминаем вся неизчётная благодеяния чудес, Тобою, Пречистая, от иконы дивно источаемых; и ты, угóдниче Бóжий Леóнтие, в пóмощь призываем, чтúще с любóвию честную пáмять твою, да молитвами твоими сподóбимся у Пречистыя обрести́ благодáть, ещё же непрестáнно воспевáти Гóсподу: Аллилу́иа.

Икос 8.

Все величие чудес Твоих, Пречистая, несть исчислити возможно, егда безбóжный царь Батый, разоряя грады и вёси и храмы сожигая, со мно́гоу ратию приблизися и ко святёй обители Твоей, Пречистая, вниде в цёрковь и, обрёт чудотворную икону, дёрзостно положи́ руку на драгия́ ризы, храм со всем богáтством огнём предаде, то́чию еди́н образ Твой, Владычице, цел обретёся и ничимже повреждён бысть. О вéлие чúdo! О, коль дивны знамения благодáти являеши нам, Пречистая! Кто не ублажит Тя? Кто не воспоёт Твоя́ сла́вная чудеса́? И мы, грéшнии, со умилéнием взирающе на святу́ю



икону Твою, толь чудёсно от погѣбельнаго пламене
сохраншюся, со слезами взываемъ сѣце:

Радуйся, яко купина, огнём горѣвшая и
неопальна пребывшая; радуйся, яко благодать
Тебѣ дадеся силу огненную угашати.


Радуйся, в годину напастей и испытаний
оставляющая нам святую икону Свою во
утешение; радуйся, яко благодѣицею Своею
угашаеши в нас огонь нечестия пламенем огня
Божественнаго.

Радуйся, прославившая чудесы икону Твою;
радуйся, яко молитвою и лобызанием иконы
Твоея вси мы приѣмлем благодатное утешение.

**Радуйся, Боголюбивая Царице Богородице,
Надеждо и Прибежище наше.**

Кондак 9.

Все упование возлагаем на Твою благодать,
Пресвятая Владычице! Милосердию Твоему несть
конца, величие же Твое кто исповестъ? Предстоящи
с мольбою у Престола Всевышняго, коль многое
множество чудес являла еси нам, Пречистая, коль
дивно спасла еси славный град Москву от грозного
врага Тамерлана, коль чудно объят его великий
страх пришествием Твоим в мать русских градов



и понуди áбие отступíti со всем во́инством. Не умолчím никогдá, Застúпнице нáша Преслáвная, о всех Тво́их благодея́ниях, да не бúдет под спúдом свет чудес Тво́их. И ны́не, предстояще пред Пречíстым Тво́им о́бразом и моля́щися умилénною душéю и сокрушénным сёрдцем, взывáем Бóгу: **Аллилу́иа.**

Икос 9.

Ветíя многовещáнные не довлéют по достоя́нию воспéти хвалу́ и благодарéние Пречíстей, кáко цáрственный град сохрани́ от татарских пóлчищ. Егдá вся рать вра́жия отступáше от предéл Москóвских, царь Иоáнн со скóрбию и слезáми отпусти́ чудотво́рный о́браз Твой, Боголюбíвая Влады́чице, в избрáнную обítель Твою́, иде́же со умилéнием и рáдостию неизречénною сретóша егó лю́дие, и от мáла до велíка, вси, преклóньше колéна, ублажáху Тя, Пречíстая. И мы, сея́ рáдости мýсленне причащáющися, Цари́це Небéсней вопи́ем благодарне:

Рáдуйся, премилосёрдая Утёшительнице нáша, святу́ю икóну дáти нам изво́лившая; рáдуйся, от нашéствия врагóв иноплемénных нас дíвно спáсшая.




Ра́дуйся, царей наших несокрушимый щите;
ра́дуйся, отечества нашего благонадёжное
утверждение.

Ра́дуйся, воинства крепкая защита, от меча
вражия сохраняющая; ра́дуйся, от разорения,
плена и лютыя смерти святою десницею Твоею
всех уповающих на Тя избавляющая.

**Ра́дуйся, Боголюбивая Царице Богородице,
Надеждо и Прибежище наше.**

Кондак 10.

Спасти хотя свою душу, благочестивый царь
Феодор, любовью божественною разжигаем,
дobre подвизаясь, пребывая в посте и молитве,
и, вельми любя Боголюбивую обитель, часто ю
посещаше. Единожды же с теплою молитвою
пред чудотворною Твоею иконою, Боголюбивая
Мати, от усердия своего в дар Тебе принесё
носимый на персех своих честный крест,
каменьями драгоценными украшенный. Взиряюще на
сие дивное украшение иконы Твоея, о Пречистая,
радуемся вси духовно о сем, како Ты, Царицу и
Владычицу, славят и чтут вси вернии, и молящися
вопиём Богу: Аллилуиа.



Икос 10.

Стенá, ограждающая ны от всяких болéзней, бывáеши Пресвятáя Богорóдице, егда со умилéнною молíтвою призывáем в пóмощь нáшу Твоé Мáтернее милосéрдие. Áще бо Ты не бы предсто́яла, Боголюбíвая Мáти, молящи о нас, кто бы нас избáвил от смертоно́сных ран и язв всегубíтельных! Со умилéнием созерца́ем, како на пу́ти благодáтного шéствия Твоегó вси боля́щие чудéсно исцеля́хуся и стру́пи на телесéх во мгновéние óка врачевáхуся. Тёмже и мы, припадающе к цельбоно́сней икóне Твоéй, мо́лим Тя, Влады́чице: не оста́ви ны мíлостию Твоéю пребогáтую, избáви ны от всяких болéзней, наипáче же от смертоно́сных я́звы и па́губы. О Пресвятáя Богорóдице! Благопоспéшно спаси́ нас и помíлуй с véрою и любóвию вопи́ющих Ти из глубины́ душí:

Рáдуйся, страны́ нашея правосла́вныя дíвная Покровíтельница, мно́гажды от бед и напáстей ю́ избавля́вшая; рáдуйся, страдальцев благодáтным утешéнием венча́ющая и разсла́бленным ско́рое возставлéние да́ющая.

Рáдуйся, слепы́м прозрéние и хромы́м от недúга их дíвное избавлéние дарова́вшая; рáдуйся, по-



ражѣнныхъ разлічными недугами и болѣзнями чудѣсно исцѣляющая.

Радуйся, скорбящихъ родителейъ в лишеніи чадъ ихъ утѣшающая благодатною Твоею помощію; радуйся, Целительнице наша в страданіихъ телѣсныхъ и благая Утѣшительнице в печалехъ нашихъ душевныхъ.

Радуйся, Боголюбивая Царіце Богородице, Надѣждо и Прибѣжище наше.

Кондак 11.

Пѣніе благодарственное всеумилѣнно принѣситъ Тебѣ, Боголюбивая Мати, вся страна Россійская за чудное избавленіе от смертоносныхъ язвъ, толь губельно ю поразившихъ. Свѣтліи дни дивныхъ исцелѣній начертаны на сердцахъ верующихъ, и молѣнія теплыя возносятся на всякое лѣто в пѣмять сего радостнаго торжества, егда святая икона Твоя, Владычице, с пѣнии духовными принѣсится в славный градъ Владимір. Красуйся и ликуй, благословенный граде! Торжествуйте, правовернии, зряще несомую икону Владычицы, источающую неизчѣтныя исцелѣнія всемъ притекающимъ к ней с верою и любовію! Преклоняемъ и мы колѣна предъ Тобѣю,



Пресвятая Богородице, величаем Тя и молим: прими милостивно и от нас жертву хвалы и прославления, приносимую Тебе от недостойных раб Твоих, вопиющих Богу: **Аллилуиа.**

Икос 11.

Светозарную икону Твою, Боголюбивая Мати, с благоговением зрим в Божественных храмах Твоих, радуешься. Кто не прибегае к Тебе, Владычице? Кто не покланяется, кто не лобызает Твоя пречистая стопы? Кто не умоляет Тя, Заступницу нашу? О Пресвятая Дево, прими веру и усердие наше, направи путь наш на стези истины, умоли Господа и Сына Твоего, да спасет нас, имже вест судьбами, да не погибнем в нераскаянии о наших грехопадениях, и услыши моления к Тебе зывающих:

Радуйся, Благодатная, всеми добродетельми преукрашенная, Своею благодатию нас не оставляющая; радуйся, Хранительнице наша, в час смертный тьму вражью отгоняющая и по смерти нас упокоевающая.

Радуйся, Милостивая, милость Свою нам являющая в день испытания, вонже открываются дела наша, добрая же и злая; радуйся,



Милосёрдая, заступлѣние нам посылающая и тем в б́удущем вѣчныя рáдости сподобляющая.
Рáдуйся, Боголюб́ивая Цар́ице Богорóдице, Надéждо и Прибéжище нáше.

Кондак 12.

Благодáтию Бож́ественною осеняема, свята́го Иоáнна Предт́ечу с лики Архáнгел зрим стоя́щая о́крест Преч́истыя Мáтере Боголюб́ивыя, вку́пе же ублажа́ем и тя, угóднице Бóжий. Помози́ нам, немощн́ым, имéти вѣру непоколеб́иму, ум чист, с́илы и произво́ление освяща́ти д́уши нáша постóм и моли́твою и в́ину полага́ти хранѣние устóм нáшим, да моли́твами Влады́чицы и тво́ими сподóбимся достóйно воспѣти Бóгу нáшему: Аллилу́иа.

Икос 12.

Пою́ще неисчѣтная зна́мения и чудеса́ Твоя́, Пресвята́я Богорóдице, умилѣнно припада́ем к преч́истому о́бразу Твоему́, Боголюб́ивая Мáти, лобыза́юще его́ со страхом и трéпетом, хва́лим Тя́ яко неисчерпа́емый исто́чник благодáти, и мо́лим: б́уди Ходáтаица о нас, воздв́игни р́уце к Сýну Твоему́, да в́ину в ж́изни сей и в б́удущей милосёрдие Его́ неотстúпно б́удет от нас, взыва́ющих Тебѣ:



Рáдуйся, Присноблаже́нная, па́че земно́родных
веду́щая блаже́нство пребыва́ти с Бо́гом; ра́дуй-
ся, и нас прича́стники сего́ блаже́нства соде́лы-
вающая.

Рáдуйся, Пренепоро́чная Де́во, всеце́ло
стяжа́вшая чистоту́, смире́ние и непоро́чность;
ра́дуйся, да́рующая нам благая́ сия́, да бу́дем
уго́дны Тебе́ и Бо́гу.

Рáдуйся, Всеми́лостивая Цари́це, протира́-
ющая на нас, греше́ных, ми́лость Свою́ во всякое
вре́мя живото́а на́шего; ра́дуйся, чадолюби́вая
Ма́ти, да́рующая нам Своё́ Ма́тернеезаступле́ние
в час сме́рти.

**Ра́дуйся, Боголюби́вая Цари́це Богоро́дице,
Наде́ждо и Прибе́жище на́ше.**

Кондак 13.

О Ма́ти Боголюби́вая, Цари́це Небе́сная,
Всемо́щная на́ша Предста́тельница! Ма́лыя сия́
услы́шавши смире́нныя мо́льбы на́ша, при́зри
на ны ми́лостивым Твои́м о́ком; бу́ди нам ско́рая
Засту́пница в день кончи́ны на́шея и в час сме́ртный
яв́ися нам Сама́, Пречи́стая, протира́ющи ру́ку
по́мощи, отгона́ющи ду́хов зло́бы, и́щущих
поглот́ити ду́шу на́шу при разлуче́нии от те́ла, и



сподоби нас в бѹдущей жѹзни в весѣлии и рѹдовании
возвелѣчити и прослѹвити Тя, яко Преплагѹю
Покровѣтельницу нѹшу, да спасѣннии Тобѹю, в
безконѣчном вѣце вопиѣм Бѹгу: **Аллилѹиа.**

Этот кондак читается трижды.

Икос 1.


А́нгелов превѣсшую вся Небѣсныя Сѣлы
велича́ют Тя, Богоро́дицу Цари́цу, мы же грѣшнии
на землі, чѹдному Бѹжию о Тебѣ смотре́нию
дивя́щися, всею душо́ю, се́рдцем и устна́ми дерза́ем
глаго́лати:

Ра́дуйся, Благослове́нная в жена́х Дѣво
Благода́тная; ра́дуйся, Всевы́шняго Ма́ти, Ду́ха
Свята́го пребыва́ние.

Ра́дуйся, Цари́це Небесе́ и землі и всех Небѣсных
Сил вы́шая; ра́дуйся, А́нгелы чтѣмая, от
Серафѣ́им воспева́емая.

Ра́дуйся, благословля́емая на Небеси́ и сла́вимая
на землі; ра́дуйся, воистину Присноблаже́нная
и Пренепоро́чная.

**Ра́дуйся, Боголю́бвая Цари́це Богоро́дице,
Наде́ждо и Прибе́жище нѹше.**



Кондак 1.

Взбранной Воеводе, Боголюбивей Царице, превысшей всякаго создания, Деве и Матери Христа Бога, похвальная восписуем Ти раби Твой, Богородице! Ты же, яко Боголюбивая и Всемилостивая Мати, благоизволившая явити пресветлый Свой лик благоверному нашему князю Андрею, от бед и скорбей сохрани ны и храм сей, да зовем Ти:

Радуйся, Боголюбивая Царице Богородице, Надеждо и Прибежище наше.

Молитва.

О Пречистая Госпоже Богородице, Мати Боголюбивая, надеждо нашего спасения! Воззри милостивно на предстоящая с верою и любовью и поклоняющиеся пречистому образу Твоему, прими наше хвалёбное пение сие и пролей тёплую Твою молитву о нас, грешных, ко Господу, да, презрев вся наша согрешения, спасёт и помилует нас. О Предивная Владычице! покажи на нас чудныя милости Твоя: избави нас от всякия скорби, настави на путь всякия добродетели и благостыни, спаси от искушений, бед и болезней, изми от нас клеветания и ссоры, сохрани от молниеноснаго



гро́ма, от запале́ния о́гненнаго, от гла́да, тру́са, пото́па и смертоно́сныя я́звы, пода́й нам Сво́ю ми́лостивую по́мощь на пути́, в мо́ри и на су́ше, да не поги́бнем лю́те. О Всеми́лостивая Боголю́бивая Ма́ти, с тве́рдым упова́нием возсыла́ем к Тебе́ на́шу убо́гую моли́тву! Не отри́ни на́ших слез и воздыха́ний, не забуди́ нас во вся дни живота́ на́шего, но всегда́ пребыва́й с на́ми и Твои́м заступле́нием и ходата́йством у Го́спода пода́ждь нам отра́ду, утеше́ние, защи́ту и по́мощь, да вѣну сла́вим и велича́ем преблагослове́нное и всепе́тое и́мя Твоё. Ами́нь.

Величание.

Велича́ем Тя,/ Пресвята́я Де́во,/ богоизбра́нная
Отрокови́це,/ и чтим о́браз Твой святы́й,/ и́мже
то́чиши исцѣления// всем с ве́рою притека́ющим.